

خفايا العالم الآخر

تأليف

اسلام

الهاشمي الحامدي

نبذة عن الكتاب

إسلام الهاشمي الحامدي، كاتب عربي مصري، يعود نسله إلى الشيخ إسماعيل الحامدي شيخ الأزهر الكبير، وهو من نسل العباس عم نبي الإسلام وجده الأكبر هو النبي إبراهيم عليه السلام. ولد في القاهرة عام 1987 ميلادياً، وهو حاصل على بكالوريوس نظم إدارية.

إسلام له العديد من المقالات والقصص والروايات والشعر وقصص الأطفال المنشورة إلكترونياً. كما يعمل على كتابة قصص للأطفال بهدف تقديم نفسه لجيل جديد من القراء، ويخطط لنشر مجموعة من القصص القصيرة لاستكشاف أفكار جديدة.

إسلام يسعى ليصبح أقوى كاتب في العالم العربي، ويعتبر أن موهبته في الكتابة هي إرث سيبقى للقراء حتى بعد مئة عام من وفاته. ويواصل نشر أعماله إلكترونياً وورقياً للوصول إلي أكبر قد ممكن من القراء .

اهداء

اهداء الى كل من ساهم في إخراج هذا العمل علي اكمل وجه
اهداء خاص الى محبي القراءه من جميع أنحاء الوطن العربي ، داخله و خارجه
اهداء خاص الى جمهوري الحبيب الذي اعمل من أجله ومن أجل الأجيال القادمة
اهداء خاص الي كل من يدعم القراءه و يساهم في نشرها بين الأصدقاء لخلق جيل جديد من
القراء خير من العقول السطحية التي تحيط بنا

مقدمة

الخوف مش معناه إنك جبان، بالعكس، هو رد فعل طبيعي لما بنواجه حاجة مش " فاهمينها. لما تلاقي نفسك قدام حاجة مش لاقى لها تفسير، ده مش ضعف، دي غريزتنا البشرية بتخلينا نخاف من اللي مش معروف. العقل دايمًا بيحذرننا من الخطر اللي مش مفهوم، ومش منطقي إن حد عاقل يرمي نفسه في التهلكة من غير ما يعرف هو داخل على إيه.

إحنا عايشين في العالم ده وعارفينه بحدوده وقوانينه، بس هل ده كل حاجة؟ في نظريات بتتكلم عن عوالم تانية، ممكن تكون عوالم موازية لعالمنا، أو عوالم مختفية تحت الأرض. تخيل إن في كائنات عايشة تحت الأرض ومحدث فينا عارف عنها حاجة. طيب إيه رأيك في الفضاء الواسع؟ ممكن يكون فيه حضارات تانية متقدمة بتراقبنا من بعيد وإحنا مش حاسين بيهم. ويمكن كمان في مخلوقات تعرف عننا كل حاجة وإحنا ولا على بالنا.

وكمان في العوالم اللي كتير مننا بيخاف منها ، عوالم الجن والشياطين، والأرواح اللي بتعيش في الظلام. الحاجات دي مش مجرد حواديت بنحكيها للأطفال عشان نخوفهم، دي ممكن تكون جزء من حقيقة إحنا مش شايفينها. ولا ننسى السحر والأعمال الشريرة، واللعنات اللي ممكن تتوجه للناس وتغير حياتهم من غير سبب مفهوم. أحياناً ممكن نلاقي تفسير لبعض اللعنات، بس في لعنات تفضل غامضة ومش ممكن العقل البشري يفهمها .

دي بقى اللي أنا بسميها 'خفايا العالم الآخر'، العوالم اللي مش بنشوفها بس بنحس بوجودها. الخوف الحقيقي مش في الحاجات اللي بنشوفها بعيننا، لكن في الحاجات اللي نعرف إنها موجودة ومش قادرين نفهمها أو نلمسها. دي القوة الخفية اللي بتحرك العوالم الموازية والجن والسحر والأرواح، وبتخلينا نعرف إن عالمنا، رغم كل التقدم اللي إحنا فيه، مجرد جزء صغير من صورة أكبر وأعقد بكثير جداً."

الأديان الابراهيمية ذكرت عوالم و مخلوقات و حضارات سبقتنا في العلم و التكنولوجيا و انتهت في يوم من الايام ، و احنا اللي باقي لينا منهم حجاره مرسوم عليها لغتهم بتحكي عن قوة و تطور و ابداع .. السؤال بقي لو احنا انتهينا في يوم من الايام أية اللي هيفضل منا؟! الأجيال القادمة هتذكرنا بأية؟! احنا لا نذكر بالنسبة للحضارات اللي فاتت و لا نعرف اسرار الكون و كلا كل المخلوقات اللي حوالينا لأنها وببساطة .. خفايا العالم الآخر .

في ليلة شتوية غريبة، كانت السماء بتشتي ، كان البحر في حالة هياج و الموج بيطلع بره
ياما . اصحاب المحلات قفلوا بدري بدري ، والمواصلات اختفت ، والشوارع كانت غرقانه ،
وكل الناس كانت بتجري على بيوتها تستخبي من جو الشتا الصعب ده .

كنت جوا محل بلايستيشن مع فؤاد جاري وصحبي ، كنت بلعب بليفيبول وهو بالريال، كان
وقت جميل . كنا بتلعب على اللي يشيل، وكالعادة، خسرت، وحسبت أنا وفؤاد كان بيضحك و
يتستفزني ، بس عادي مسيري هكسبه في يوم .

في الشارع، كان الجو ثلج ومطر شديد. جريت تحت المطر أنا وفؤاد، وهو كان بيقول: "إيه
يا جدع، ده ينفع كده؟"

ضحكت وكملت جري، وقلت له: "لازم نوصل قبل ما المطر يغرق هدومنا."

بصيت ورايا ملقتش فؤاد. وقفت مستغرب، نديت عليه بس صوت البرق والرعد كان مغطي
على كل حاجة. قلت يمكن رجع للمحل تاني، خايف على هدومه من المطر.

دخلت محل البلايستيشن وكان الجو هناك مختلف. لقيت مدام سلمي على الكونتر وسألته:
"فؤاد رجع تاني هنا؟"

ردت وهي بتبصلي باستغراب وبتاكل تسالي: "فؤاد؟! فؤاد ماجاش النهاردة ولا إمبارح، ولا
أنت كمان."

ضحكت سخرية وقلت لها: "بتهزري، ده أنا لسه خارج من هنا أنا وهو، بس حاتم كان مكانك. كنا على الجهاز ده لمدة ساعتين."

ضحكت بصوت عالي وندت على اللي بيلعبوا على الجهاز وقالت: "ولا يا حمو، انت ماجر من أمتي؟"

رد واحد منهم وهو متعصب: "باصي يلا باص ياد يابن ال... بقالنا أربع ساعات."

بصتلي مدام سلمى وهي ساكتة، ضحكت وقلت: "أكيد أنتوا بتهزروا."

فجأة لقيت حد حط إيدته على كتفي. بصيت ورايا لقيت فؤاد غرقان ميه وقال لي: "رجعت تاني ليه؟ يلا يا ابن، عايز أروح."

بصيت له وبصيت لمدام سلمى وهي رافعة حاجبها بتقولي: "إيه مالك، بتبص حواليك ليه؟"

ضحكت بصوت عالي وقلت لها: "والله صدقتكم، طيب سلام."

خرجت أنا وفؤاد، وسمعت حموا بيقولها: "ماله ده، عايز يجر الجهاز ده ولا إيه؟"

فقالتي: "سيبك منه، شكله مصطحح وبيكلم نفسه."

ماخذتش بالي وخرجت أنا وفؤاد في الشارع. المطر كان شديد، وأعمدة الإنارة كانت بترعش. كنت سابق فؤاد بخطوات وبكلمه، وفجأة وقفت وبصيت ورايا، ملقتوش. ضحكت بصوت عشان أخفي قلقي وقلت: "مش هنروح النهاردة بالشكل ده."

بصيت حواليّ، لقيت فؤاد اختفى، وسمعت همس وصوت مش غريب عليّ. جنبّي، بصيت تحت رجلي لقيت كلب أسود واقف ببصلي وهو بيلهث. أنا عندي فوبيا من الكلاب، فطلعت أجري، أجري وأجري وأنا مرعوب، مش عارف أهرب من الكلب ولا من فؤاد. لحد ما وصلت قدام البيت ودخلت، لقيت فؤاد في وشي وكان شكله مضايق. سألته وأنا بنهج: "روحت فين وسابتني يا عم؟"

رد باستغراب وقال: "أروح فين في الجو ده؟ أنا كنت في بيتنا من الصبح، ما نزلتتش إلا لما جبت دواء لأمي من الصيدلية."

مسحت على وشي وأنا غضبان وبصيت عليه وقلت له، وقبل ما أكمل الكلام، لقيت الكلب الأسود واقف قدامي بيزوم عليّ. ضربات قلبي كانت هتنفجر، وفجأة قفز الكلب عليّ بوحشية.

فجأة صحيت على تليفون من اسماء، حبيبتني. فتحت عيني على صورتها على الموبايل، وكان أذان الفجر بيدن. قالتلي: "أيه ده، انت نايم يا بني؟"

ردت بالعافية وأنا بحاول أتنفس: "الو، أيوه يا اسماء."

ردت باستغراب وقالت: "مالك بتنهج كده ليه يا حبيبي؟"

قولتلها وأنا بلمس وشي: "مفيش، كابوس جديد."

ضحكت وقالت: "كويس إني أنقذتك منه."

قولتلها وأنا بقوم عشان أدخل الحمام: "في الوقت المناسب. أية اللي مسهرك لحد دلوقتي؟"

ردت وقالت بسخرية: "الامتحانات، يلا يا دكتور، فوق كده، عندنا امتحان مهم في التشريح
كمان خمس ساعات."

ضحكت وقلت: "خمس ساعات! ده عمر تاني."

قالتلي وهي بتاكل: "ها، هتعمل إيه دلوقتي بقي؟"

قولتلها وأنا بتاوب: "هدخل الحمام وأكمل نوم. سلاام."

بدأت تخانقني كالعادة، قفلت السكة في وشها كالعادة برضه وأنا بضحك. قصة حبي مع اسماء
***بدأت من أول يوم في المشرحة، كانت واقفة جنبي وأول ما شافت الجثة، اغمى عليها.

** سلسلة "خفايا العالم الآخر" **

** لعنة الغراب **

صحيح إن الحكايات بتختلف، لكن في الآخر كلنا بنشترك في نفس المصير. بيقولوا زمان واحنا أطفال كنا بنقدر نشوف حاجات تعجز عيون الكبار عن إنها تشوفها. فإكر كويس وأنا صغير. موافق كتير مرت عليّ، حاجات غريبة حصلت، بس مش عارف إذا كانت أحلام ولا حقيقة اللي أنا متأكد منه إن لو شوفنا حاجة في الحلم ومالهش تفسير منطقي، يبقى أكيد شفناها قبل كده في واقعنا، لأن العقل البشري ما بيقدرش يخترع حاجة من العدم

زي أفلام الخيال العلمي اللي بيحبوها في هوليوود، مهما كان اللي بيحكوا عنه خيال أو تكنولوجيا مستقبلية، الحاجات دي موجودة فعلاً. الأفلام دي مش بس مجرد تسلية، دي تسويق للعقل الباطن. بيحاولوا يحضرونا نفسياً وتخلي أفكار التطور دي عادية بالنسبة لنا. عشان لما التكنولوجيا دي تبقى قدامنا في الواقع، نجري عليها ونشتريها من غير تفكير.

احنا مش لوحدنا على الكوكب ده. في مخلوقات كتير حوالينا، بس الفرق إنهم يعرفوا يوصلوا لنا، وإحنا ما نعرفش نوصل لهم غير بطقوس معينة، تفتح بوابات بتسمح لهم بالمرور من عالمهم لعالمنا. المخلوقات دي متنوعة، في منهم اللي بيعيش تحت الأرض، وفي الفضاء. وفي السما، وفي منهم معانا هنا على الأرض، شايفيننا وإحنا مش شايفينهم.

،اللي أنا بقوله مش مجرد خيال أو قصص، ده حاجات ليها أساس. لما تفتح عينك للعالم ده ***.هتشوف إننا محاطين بأكثر مما نتخيل

أنا يوسف سالم ودي حكايتي.

أنا يوسف سالم" شاب في آخر سنة في كلية الطب، ومتخصص في قسم التشريح. من أول ما بدأ الدراسة، كنت حاسس إن ده المجال اللي بيناسبه. في الوقت اللي زميلي كانوا بيخافوا من التعامل مع الجثث، كنت شايف إن الجثث دي وراها أسرار و لازم تتكشف. بس اللي مكنش اعرفه إن بعض الأسرار دي مش علمية بس... دي ليها علاقة بعالم تاني، وان الميت ممكن يتواصل معاك عشان يكشف حقائق عشان تقدر تجيب حقه ، مع العلم اني بخاف من خيالي ."

أنا من مواليد وسكان إسكندرية . زي أي شاب، بدرس في الجامعة، وبعد الظهر بشتغل كاشير في مطعم. كنت مستني إجازة نص السنة بفارغ الصبر عشان أصل الرحم وأزور عيلتي اللي في قنا، أصل جذورنا من هناك. وطبعًا أحسن وقت أروح فيه الصعيد هو إجازة نص السنة.

في كافتيريا الجامعه كنت مع اسماء بتاكل لقمه علي الماشي

اسماء قالتلي وهي بتاكلني بدلع : " خلاص هتسافر يا يوسف ؟! "

قولتها وانا ببلع اللقمه بالعصير : " هو اسبوع ويمكن اقل ، وارجعك نتفسح قبل الترم التاني. "

اتنهدت اسماء وقالت وهي بتفكر : " اه لو كنا متجوزين! كنت جيت معاك . "

ضحكت وقولت : " حبيبي انتي اتعودتي علي جو اسكندريه ، مش هتتحلمي جو الصعيد . "

قالت وهي بتمسح المنديل علي فمي باهتمام ، قالت بسخرية : " ليه يا حبيبي مافيش تكيف هناك ولا مراوح .. اي مكان معاك يبقي جنبه . "

بوست أيدها بسرعه من غير متحد ياخذ باله وقتلتها : " ربنا يخليكي ليا يا رب و نتجوز ونخلف صبيان وبنات. "

وشها احمر من الكسوف ، فضحكتلها ضحكه ليها معني ، فصربتني برقه علي كتفي وقالت :
" اتلم يا واد. "

وأخيراً، خلصت الامتحانات! وأنا في الطريق للبيت على البحر ، كان الجو منعش وجميل ،
الهوا يرد الروح و الشمس دافيه صحيح كانت الناس قليلة علي البحر بس الجو كان تحفه
وانا مبتسم و مربع ومطلع راسي بره شباك المشروع، رن تليفوني. لقيته ابن عمي صابر،
فرديت عليه بفرحة:

"إزيك يا ابن عمي، عامل إيه؟"

صابر رد وقال:

"كيفك يا ولد العم، وأحوالك إيه؟"

قلته:

"الحمد لله، طمني عليك وعلى أحوال البلد."

فقال:

"الحمد لله على كل حال، ناوي تيجي إمتي؟"

ضحكت وقلته:

"كان آخر يوم امتحانات النهارده، وخلصت وهجيلكم."

سكت شوية وبعدها قال بصوت مقلق:

"تيجي بالسلامة يا ولد العم."

بدأت أقلق، فقلته:

"مالك يا صابر؟ صوتك مش عاجبني، في حاجة حصلت في البلد؟"

بعد تنهيدة طويلة قال:

"لا، لا.. لما تيجي بالسلامة تبقى تعرف كل حاجة."

قفل السكة. صوته كان مقلق، لكن قلت أستمتع بمنظر البحر وصوت الموج والهوا اللي بيرد الروح. ريحة اليود كانت تهبل."

وصلت البيت، كنت محضر شنطتي و محوش شوية فلوس من الشغل عشان السفر. أول ما دخلت، لقيت أختي مريم في المطبخ بتطبخ.

مريم : "إنت جيت يا يوسف؟"

فتحت باب الثلاجة وقلت حاجة على السريع وسألتها: "طبخين إيه النهاردة؟"

مريم ردت وقالت : "رز وملوخية ، وانت نفدت من تخريط الملوخية ."

استغربت وسألته : "والفراخ؟ ما فيش فراخ؟"

مريم قالت: "ما انت عارف، اللي فيها ربنا بيعت."

مسحت وشي بغضب وقلت: "بابا وماما فين؟"

مريم قالت وهي بتشهق علي الملوخية: "باباك في المصنع لسه ما خلصش شغله، وأمك في أوضتها نائمة، ضغطها عالي شوية."

فقلتها: "هروح أظمن على أمي وأرتب شنطتي، وبعدين هتغدى وأسافر."

مريم قالتلي وهي بتسقط الملوخية في الحلة: "ترجع بالسلامة يا حبيبي."

سألتها: "مش ناوية تيجي معايا زي زمان؟"

مريم تنهدت وقالت وهي بتقلب الملوخية: "والله نفسي، بس أمك هتسيبها لمين، وأبوك مش هيعرف يتصرف لوحده معاها، هيفتاس."

دخلت أظمن على أمي كانت نيمه، بوست راسها ففتحت عنها وصحيت، وسألتني: "عملت إيه في الامتحان يا يوسف؟"

قلت: "الحمد لله، كله تمام."

فسألتني وقالت: "هتسافر البلد خلاص؟"

قلت: "ايوه، هتغدى الاول ، وبعدين أنزل."

قالت: "خد بالك من نفسك، معاك فلوس كفاية؟"

قلت: "الحمد لله، مستورة."

قالت: "افتح الدولاب، آخر رف تحت المشمع، هتلاقي 500 جنيه، خدهم."

بوست اديها وأخذت الفلوس، رحت رتب شنتتي وجهزت نفسي، وبعد كده اتغديت ونزلت
مستعد لرحلة طويلة جدًا.

من بوابات التفتيش وعديت ،محطة مصر بقت تحفة بعد التجديد، كنت محجز تذكرتي
بصراحة، الزحمة كانت خيالية، حسيت كأن مصر كلها مسافرة معايا! المهم، استتيت القطار
وكنت بسمع أغاني توليت، اللي عامل روشه، وكان نفسي القطار يطلع بنعمرو دياب، بس
المهم، وصل القطار ودخلت عربتي ووجدت كرسيًا. وطبعًا، زي العادة، اللي جنبني كان راجل
مش بنت

فبقول لنفسي، هل هتكون الرحلة جميلة وأستمتع ولا لأ؟ المهم، خلص الرحلة ورجع علطول
على الترم الثاني، وأنزل الشغل لأعوض، لأنني هكون فلست طبعًا

محطه قنا

وصلت بالسلامة بعد رحله طويله ١٤ ساعه في القطر ، ركبت مشروع عشان اوصل قارية الحامدية ، اربع مشاريع و توكتك ، يارب الواحد فلس بدري بدري ، المهم وصلت لبیت عمي الكبير اللي ورثه عن جدي الرابع اسماعيل. كانت الدنيا ليلت طبعاً واكيد وصلت وقت العشاء و العشي ، طبعاً حماتي بتحبني .

طول الوقت وأنا بكلم اسماء ، بتظمن عليه و اهي تسليني علي الطريق الطويل اللي مش عايز يخلص ده ، اسماء : " حمدلله علي سلامتک ياقلبي . "

قولتها : " الله يسلمك يا روعي ، ياه طريق طويل بشكل . "

قالتلي : " شوف انا عوزه اسمعك ، احكي لي بالتفصيل كل حاجه . "

فضلنا نتكلم بالساعات لحد ما وصل لأرض عمي الكبيرة ووصلت لبیت العائلة .

صابر كان في الأرض بيسقي و متبهدل شفني طار من الفرحة وسلم عليه وقاللي : " حماتك بتحبك نتعشي سوي بقي . "

دخلنا الدوار و كان عمي قاعد مع رجله القرية بيتفقوا علي زراعه المحصول الجديد و مين هيزرع اي و مين هيزرع و مين هيشترى السماد و كلام من ده ، شاورت من بعيد ورميت السلام علي الكل فقالي عمي: " تعالي يا يوسف سلم علي الرجاله . "

ابتسمت ابتسامه خفيفه وانا مخنوق ، كل دول هيتعشو معانا ، المهم دخلت وسلمت و قالي عمي : " اطلع اتشطف وانزل نتعشي سوي ، خدوا معاك يا صابر . "

طلعت مع صابر فوق وقولتوا : " اخواتك فين صحيح؟! "

فقالى وهو بىمسح عرق جبينه بالجلابية: " واحد فى مصر بىدرس و مش نازل متبطر على العيشة و التانى فى الجبل فى المنحل و بنت عمك فى بيت جوزها و امى ماتت . "

وقفت فى ذهول و قولتوا: " انت بتقول اى؟! و ليه ما حدش قالى؟! "

فقال صابر : نقول اى يابنى كل واحد مالهى فى دنيته ، ادخل ادخل اتشطف و انزل ناكل . "

الله ىرحمها كانت ست طيبة و بتحتفل بيه كل ما باجى بط و فطير ، ربنا ىرحمها .

بصلى صابر بصره لىها معنى ، و سكت و معلقش.

اتعشينا كلنا فطير و عسل و جنبه قريش و بيض ، كانت و ليمه الفطير غرقان فى السمنه و سخن موحوح و ايد الرجاله كانت مغطىة على الاكل ، كله بياكل و بيخطف و يضحك و يتكلم ، كان البيت دافئ و الصحبه حلوه بصحيح .

بعد الاكل صابر خدنى نشرب الشاي على الحطب وسط الزرع المندى ، ركبنا الحمير و رحنا عند صحبه علىوه .

فى الطريق كان بيحكلى و احنا ماشيين على شط الترعه عن البلد و احوال البلد و سألنى عن مريم اختى كثير ، مسكين مش قادر ينسى حبه لىها و أنه كان عايز يتجوزها و ابويا رفض و فضل ابويا و عمى مقطعين بعض من يومىها لحد النهاردة .

وصلنا عند عليوه و كان معاه شيخ كبير بيقلب في المعيز اللي مربيهها عليوه كان اسمه الشيخ حامد . ومن هنا بدأت الحكاية .

يا عليوه، هز السعر شوية! دي معزة، لا راحت ولا جت. عليوه، وهو يرد بصوت مُحبط: "والله يا شيخ، الأسعار بقت نار، وانت سيد العارفين... العلف والعلاج والرعاية، كل حاجة بقت غالية." ضحك الشيخ حامد بخبث وقال: "انت هتضحك عليا؟ ما أنا عارف اللي فيها."

وصلنا عندهم، وعليوه عزمنا على الشاي، ولع الحطب وجهاز الجوزة. "اتفضلوا يا رجالة، الشيخ معنا على الشاي."

الشيخ بص لي بابتسامة وقال: "مرحب يا يوسف، نورت قرية الحامدية." فرديت بابتسامة: "مرحب بيك يا شيخ." عليوه قال لي: "هتشرب شاي عجب يا يوسف؟" الشيخ قطع الكلام وسأل: "إيه أخبار إسكندرية وأهلها؟" رديت عليه: "كلهم تمام يا شيخ." عليوه، وهو بيشرب الجوزة قال ضاحكًا: "أحلى حاجة عندهم مافيش جبال ولا ناس بتختفي."

في اللحظة دي، المكان كله سكت، وصمت عم على الكل. النار كانت قيذة والدخان بيلف في الهواء. كل واحد بص للثاني... قاطعت الصمت وقلت: "في إيه يا جدعان؟ ناس مين اللي بتختفي؟"

صابر حاول يغير الموضوع وقال: "مافيش حاجة، اسكت يا عليوه!" الشيخ ابتسم وقال: "أنت دايماً مسحوب من لسانك يا عليوه."

بصيت لهم بحيرة وقلت: "بجد، حد يفهمني يا جماعة!"

عليوه قال بحدز: "صحبك بدر، يا سيدي... اختفى من أسبوعين لما طلع الجبل عند الحتة دي." بصيت لصاير وسألته: "بدر اختفى بجد؟" صاير تنهد وقال: "أيوة... من أسبوعين طلع الجبل وما نزلش، كان متعارك مع أبوه وطفش."

استغربت وقلت: "طيب، طفش حاجة... بس إنه يجراه حاجة تانية؟!!" عليوه قال بلهجة مريبة: "ما هو راح عند المكان الملعون... لعنة الغراب." الشيخ قال بنبرة ثقيلة: "لا حول ولا قوة إلا بالله... مش هتخط لسانك جوه بوقك شوية يا عليوه؟" صاير انفعل وقال: "اخرس بقى يا عليوه!" أنا بدأت أتوتر وقلت: "بدر كان صاحبي، إيه اللي حصل له يا شيخ؟" الشيخ خد شفطة شاي وقال بحزن: "يا يوسف يا بني، المكان ده ملعون... اللي بيروح هناك ما بيرجعش." قلت له بحدة: "ليه بقى إن شاء الله؟!!" الشيخ بص لي بجدية وقال: "لعنة الغراب." أنا اتعجبت وسألته: "لعنة الغراب؟ يعني إيه؟!!"

بصوا لبعض وسكتوا شوية، الجو بدأ يبقى ثقيل، فقلت بحدة: "ها يا شيخ، أنا سامعك." الشيخ خد نفس عميق وقال: "هحكيتك الحكاية... اسمع يا سيدي."

ملاحظهم اتغيرت والخوف بدأ يبان في عيونهم. الجو برد فجأة، وحسيت إن دمي اتجمد في عروقي. بدر كان أكثر من صاحبي... كنت أفديه بروحي. افكرت يوم ما أنقذني لما وقعت في البئر الكبير، ولما رجلي دخلت في عيدان الذرة... ذكريات كتير جمعاني بيه، ومش قادر أستوعب إنه ممكن يكون راح وما يرجعش.

في قلب جبال قنا العالية، في قرية صغيرة معزولة عن العالم، بتحيط بيها أسرار وأساطير تنتقل من جيل لجيل. من بين الاساطير، أسطورة "لعنة الغراب"، التي يهابها كل الناس الكبير قبل الصغير ، من مئات السنين. يُقال إن غراب أسود يظهر فوق جماجم مدفونة في الجبل الملعون، هناك دفنت جثث قديمة من عصور فاتت . و يقولوا أن أي حد يجرؤ يقرب من الجماجم دي، يسمع همسات غامضة تأمره بارتكاب جرائم بشعة وقت اكتمال القمر، وإذا تجاهلها، يبتلئ بلعنة أسوأ من الموت نفسه.

الأسطورة دي ترجع لزمان الحملة الفرنسية على مصر، لما نابليون بونابرت غزا البلاد. في الفترة السوداء دي، ارتكب الجنود الفرنسيون مجازر بشعة ضد الأهالي اللي كانوا يقاوموا الاحتلال بكل وسيلة. في قرية قريبة من جبال قنا، لجأ السكان النجوع إلى ساحر غامض كان عايش في أعالي الجبل غريب عنهم مش من هنا اسمه شلتوت، وطلبوا مساعدته لحماية قريتهم من الدمار. قرر الساحر شلتوت إنه يوقف الجنود باستخدام سحر قديم، و رمي لعنة مدمرة على المنطقة وقت اكتمال القمر، كانت اللعنة بتستهدف كل من يقترب من الجبل، وتمنحه قوة خارقة لارتكاب جرائم بلا وعي.

في ليلي من الليالي وقت اكتمال القمر، حصلت مذبحة رهيبة، و اخطلت دماء الجنود الفرنسيين بدماء المصريين في عركة كبيرة قرب الجبل. بعد كده، انتشرت الغربان في السماء وبدأ الساحر في رمي التعويذة و القراءة عليها ، لحد ما خلى الأرض دي ملعونة للأبد. المنطقة دي بقت ممنوعه علي الكل، وكل واحد يقرب منها يُصاب بجنون بيقتل رحمة، ممسوس من العوالم المختلفة.

كنت مصدوم ومش مصدق اللي بسمعه، أنا أصلاً بخاف من خيالي، فمعقول يكون بدر حصل له كده؟! مش قادر أصدق... بصيت للسما لقيت القمر بدر، كأنها إشارة... يا ترى دي علامة ولا أنا اتوهمت؟! عقلي بدأ يلعب بيا.

قولت لهم: "طيب يمكن يكون قاعد في مكان بعيد أو مستخبي ولا حاجة؟" رد عليه وقال: "لا يا يوسف، أكيد اتمس." صابر مدايق وقال: "بلاش نتكلم في السيرة العفشة دي."

الشيخ قام وأخذ المعزة معاه، وقال لعلوه: "هبقى أعدي عليك وأحسبك لما أبيع الجموسة."

مشي الشيخ وسابني غرقان في التفكير، وقطع صابر خيالاتي لما قال لي: "مالك يا يوسف؟" بصيقله وقلت: "بدر ما يستهلش مننا كده أبداً... لازم ندور عليه ونساعده." عليه ضحك بصوت عالي وهو بيشد نفس من الجوزة وقال: "تدور على مين؟! الله يرحمه." نظرت له بغيظ وقلت له: "صابر... هتيجي معايا ولا لا؟"

صابر رفع حواجبه باستغراب وقال بصوت مبجوح: "أجي فين؟! انت اتجننت؟! قمت بكل حسم وركبت الحمار وقلت: "مش ممكن أسيب بدر... لازم أدور عليه وأرجعه." فضلوا واقفين يبصولي باستغراب، عليه قال: "لا يا أخويا، مش مستغني عن عمري!" صابر بعد تهيدة طويلة قال: "آخر كلام عندك؟" بصيت له في عينيه وقلت بإصرار: "أيوة، آخر كلام عندي."

عليه رجع قعد على الأرض وشد نفسين من الجوزة، وصابر قال لي بحسرة: "لا يا يوسف، لو السما انطبقت على الأرض مش طالع معاك الجبل."

ركبت الحمار وأنا قلبي مليون إصرار وعيني مليانة تحدي. الجو حوالينا كان مليون خوف وترقب، بس أنا مشيت... وعارف إني لوحدي، وسط الهواء و صوت العواء.

طلعنا الجبل أنا وصابر على الحمير، والطريق كان مليان صعوبات. معانا كشفات نوبيلتنا وضوء القمر كان مساعدنا شوية، لكن الجو كله كان مرعب، وصوت الديابة وهي بتعوي خلاني أحس إني هموت من الخوف. أما صابر، فكان متعود على الأصوات دي، ولا عبرها.

الجبل نفسه كان منظره يقبض الروح، كأنك داخل فيلم رعب. بعد شوية، بدأت أشم ريحة كريهة جدًا، فسألت صابر وأنا متوتر: "شامم اللي أنا شامه؟"

ضحك وقال وهو بيهزر: "يوسف، انت لسه ما شفتش حاجة، استعد يا معلم."

كل ما طلعنا فوق الجبل، الخضرة بدأت تختفي، والبرد اشتد مع ريح قوية. وصلنا عند كهف وسط الجبل، الحمير كانت بتتعثر من صعوبة المشي، فنزلنا وربطناهم. فضلنا ننده على بدر: "يا بدر! يا بدر! انت فين يا بدر؟" لكن مافيش أي رد، كأن المكان ميت، ما فيش صوت غير الريح.

صابر هرش في رأسه وقال بتوتر: "مش كفاية كده؟ نرجع بقى، مافيش فايده."

لكن أنا كان عندي إصرار وقلت له: "مش هرجع من غير بدر."

صابر بدأ صوته يعلى وهو بيحاول يقتعني: "يبقى مش هنرجع احنا كمان، ربنا يهديك، نرجع قبل ما يحصل لنا حاجة."

فجأة، قطع كلامنا صوت زي خبط، أو حاجة بتتحرك. ملامح صابر اتغيرت، فسألته: "أنت سامع اللي أنا سامعه؟"

هز رأسه وقال: "أبوس إيدك، نرجع."

لكن أنا مشيت قدامه واشرت له: "استنى هنا، أنا هدخل أشوف جوه الكهف."

صابر بصلي بذهول وقال لي: "جوه فين؟! جوه الكهف؟! انت اتجننت؟!"

الصوت اللي كنا سامعينه بقى أعلى، وبدأنا نبص ناحية الكهف بقلق وخوف. أنا مش شجيع أفلام، لكن بدر صاحبي، ومش ممكن أسيبه مهما كان الثمن.

وقفت قدام مدخل الكهف، مرعوب لآخر درجة، وصابر ببشاور لي بإيده إني أرجع، لكن أنا خدت القرار ودخلت الكهف. كل ما مشيت جوه، الظلام بقى أعمق، وصوت صابر من ورايا بيقل وهو بينده عليا، لحد ما اختفيت تمامًا عن نظره، وسبيته واقف لوحده بره، ميت من الرعب.

على شط الترعة، كان عليه لسه قاعد يشد من الجوزة، ذهنه مشغول وقلقان. الوقت اتأخر، والدنيا ضلمة ماعدا نور القمر اللي كان بيلعب بخيال الأشجار ومعاه صوت عواء الديابة اللي كان بيزيد الرعب في الجو. فجأة، عليه لمح خيال جاي من بعيد. وقف مكانه، وبلع ريقه وهو يقول بصوت واطي ومرعوب: "مين؟! مين هناك؟!"

طلع الشيخ حامد من الضلّمة، وهو شايل المعزة على كتفه وماشي ناحيته. عليوه بص له باستغراب وقال: "شيخ حامد! إيه اللي رجعت تاني؟ وإيه اللي شايله ده؟!!"

الشيخ حامد نزل المعزة من على كتفه وقال بحزن: "لا حول ولا قوة إلا بالله... المعزة فرفرت مني في الطريق."

عليوه ضحك ضحكة باينه فيها الرعب وقال: "بقولك إيه يا شيخ، ماتت صحيت، انت خدتها ولازم تدفع تمنها، مش هيبقى موت وخراب ديار."

الشيخ حامد هز راسه وقال بهدوء: "حقك طبعًا، حاضر يا سيدي، هبيع الجموسة... بس قولني، أصحابك فين؟"

عليوه بصله بتوتر وقال وهو بيتهته: "روحوا، مشيوا."

الشيخ حامد اتعجب وقال: "إزاي؟! أنا راجع من الطريق الوحيد ليهم وماشفتش حد!"

عليوه سكت شوية، وبعدين قال: "ماعرفش."

الشيخ حامد بص ناحية الجبل، وبعدها بص لعليوه ومسك وشه وقال بصوت عالي: "هما طلّعوا الجبل؟!!"

عليوه هز راسه بسرعة وقال بقلق: "أيوه، أيوه طلّعوا الجبل."

جوه الكهف، المكان كان مظلم لدرجة إني مش شايف كف إيدي قدامي. فتحت كشاف الموبايل بحذر عشان أشوف أنا ماشي على إيه، وفجأة سمعت صوت تحت رجلي، حاجة بتتكسر. نزلت أبص، لقيت عظام! مش عارف إذا كانت عظام بني آدمين ولا حيوانات، بس في اللحظة دي، مكنش ده اللي شاغل بالي. الريحه بقت خنقاني لدرجة إني حبست نفسي غصب عني عشان أقدر أكمل. بصيت قدامي وشففت نور بعيد، نور غريب... يا رب استر.

طبعًا صابر واقف بره، مرعوب وفي حالة يرثى لها. ميت من البرد والخوف. أما هنا في الكهف، الجو دافئ شوية، بس مفيش أي تهوية، والهواء ثقيل كأنك بتتنفس من خلال قماش مبلول. صوت الخبط كان بيزيد كل ما قربت من مصدر النور، أنا ماشيي وقلبي بيدق بسرعة. صوت الخطوات على العظام تحت رجلي كان بيلفت انتباهي أكثر من أي حاجة.

فجأة وقفت في مكاني. عينيا فنجلت من الرعب. طفيت كشاف الموبايل وحاولت متحركش، عشان صوت العظام اللي تحت رجلي كان هيكشفني.

الضوء اللي في الكهف كان من القمر، باهت بس واضح بما فيه الكفاية. وفي وسط المكان كان فيه جمجمة كبيرة جدًا، حواليتها جماجم أصغر. فجأة لقيت غراب أسود ضخم واقف على الجمجمة الكبيرة، بيضرب بمنقاره في الجمجمة وكأنه بيحاول يكسرها من فوق. أنا بكره الغربان بكرها! خدت خطوة لورا، بس العظم اللي تحت رجلي اتكسر تاني، المره دي كنت أقرب من الغراب.

الغراب فجأة وقف، وبصلي بعينه اللي كانت بتلمع بلون أحمر زي النار. قلبي وقع في رجلي. أنا اتفزعت. بعدها طلع صوته الغريب وطار لفوق بسرعة.

مسحت العرق اللي على جبيني بإيدي، صوت أنفاسي بقى هو الشيء الوحيد اللي مسموع، عالي وواضح. أنا مش بحلم، ده حقيقي. غراب كان واقف على جمجمة ضخمة، وعنيه حمرا زي الدم. إيه اللي جابني هنا؟ وأنت فين يا بدر؟ صوتي خرج وأنا بنادي عليه، بس مفيش غير صدى الصوت اللي بيرجعلي. جربت أنادي على صابر يمكن يسمعني، بس برضه مفيش رد. حسيت إن لو حصل لي حاجة هنا، محدش هياخد باله، وصابر أول واحد هيجري ويسيبني لو شم رائحة الخطر، اعمل ايه بس ياربي .

الليل كان مغطي المكان كله، والظلمة كانت ثقيلة لدرجة إني حاسس إن كل حاجة حوالِي مخنوقة. فجأة، سمعت صوت الحية أم جرس. كنت عارف الصوت ده كويس، عشان شفته كتير في الأفلام الوثائقية على ناشونال جيوغرافيك، والصوت بتاع الجرس بتاعها مستحيل يتنسى. ثانية بعد ثانية، الصوت كان بيقترب، قلبي ابتدى يدق بسرعة، وإيدي كانت بتترعش وأنا مش قادر أتحرك من مكاني.

بصيت حوالِيَا بحذر، لقيتها فعلاً بتتلوى في الظلام، لونها أصفر زي الذهب وكان نور القمر الخفيف بيخليها وواضحة قصادي. كانت بتزحف ناحيتي، وأنا حاولت أهرب منها، بس لقيت نفسي قريب من شوية جماجم مرمية على الأرض. غريب، عمري ما شفت جمجمة قبل كده في الحقيقة، وبدل ما أهرب بعيد، الفضول شدني. قربت إيدي ولمست جمجمة، بس أول ما لمستها حسيت إن الأرض كلها بدأت تهتز تحتي.

رجليا كانت بتتزلزل، وابتديت أدوس على الجماجم من غير ما أقصد، وأكسرهما. كل ما جمجمة تتكسر، كان بيخرج منها زي دخان خفيف، كأنه أرواح بتطير في الهوا حواليا. في لحظة، المكان كله بقى مليان بالأرواح دي، وبدأت أسمع أصوات ناس بتصرخ، و تتعذب، وأصوات بتستغيث، كأنهم محبوسين جوه الدخان ده. الصوت كان بيعلى، وانا حاسس إن عقلي هيتجنن، فضلت أحط أيدي على وداني عشان أهدي نفسي، بس كان مستحيل.

أعصابي كانت بتتفلت مني، وبدأت أصرخ أنا كمان، صوتي طلع من غير ما أفكر، وفضلت أصرخ لحد ما وقعت على الأرض. قلبي كان هينفجر، وضغطي وطى بسرعة. الأرواح اللي حواليا بدأت تدخل جوايا من بوقي، كأنها بتحتلني. حسيت إن روحي بتسحب، و أغمى عليا. آخر حاجة فاكرها الظلام والصمت .

صحيت على صوت الشيخ حامد وصابر وهما بيحاولوا يفوقوني. فتحت عيني بصعوبة، لقيتهم جنبي، وعلوية واقف من بعيد، باين عليها الخوف. أول ما فتحت عيني، حسيت بوجع جامد في راسي وظهري. الشيخ حامد شدني من أيدي وحاول يقومني بالعافية، وأنا مش قادر أفهم اللي حصل... "أنا لسه عايش؟! " شكلي كده.

الشيخ حامد كان باين عليه القلق، بصلي وقال: "إنت إيه اللي دخلك هنا، يا بني؟! ولوحدك كمان؟! "

بصيت لصابر اللي كان مكسوف يبص في وشي، وهو مركز في الأرض. قلت بصوت هادي:
"كنت هعمل إيه يا شيخ؟ لازم أدور على بدر. ماينفعلش يكون لسه عايش ومحدث بيدور
عليه."

الشيخ اتهد وقال بحزن: "لا حول ولا قوة إلا بالله العلي العظيم. يابني، المكان ده مش آمن...
مسكون. ربنا يرحمنا ويعدي الليلة دي على خير."

صابر بصلي وهو بيحاول يساعدي أفق وقال: "الحمد لله إنك بخير. لو كان حصلك حاجة،
كنت هقول لامك إيه؟!!"

رديت وأنا بحاول أطمئهم: "ما تقلقوش، أنا كويس. ما فيش حاجة."

لكن عليوة كانت واقفة على جنب، بنظرات غريبة، و إيدو ورا ظهره، وكأنه مستنية حاجة
تحصل. أنا مش فاكر حاجة من اللي حصل بعد ما وقعت على راسي، كله غامض بالنسبالي.
هما اللي حكولي التفاصيل دي.

مشينا أنا وصابر بعيد عن الشيخ حامد، وأول ما أدينا له ظهرنا، لقيته فجأة حط إيدو على
راسي وبدأ يقرأ القرآن. حسيت بنار بتاكل في جسمي. فجأة، جسمي بدأ يتنفض، وصرخت من
الم رهيب. عيني حسيت إنها حرقاني اوي، مش شايف حاجة غير ضباب. عليوة جرت
بسرعة وربطتني بالحبل، وصابر كان ماسكني وهو بيعيط. الشيخ كان بيقرأ بصوت أعلى،
وأنا جسمي مش قادر يتحمل، لحد ما فقدت الوعي تاني.

في أول يوم كنت نائم عند صابر، كنت أصحى لدقائق و أغيب عن الدنيا لساعات طويلة. كل اللي فاكرو إني كنت بسمع أصوات همسات خافتة بتنادي عليا، تقول: "اقتل فلان... موت علان"، وكان حد بيحاول يسيطر على عقلي ، وانا كنت بحاول اقاوم علي قد ما بقدر.

أوقات كنت بفوق ألقى نفسي متكثف بالحبال، وصابر قاعد جنبى ودموعه نازلة على وشه. كل اللي كانت بقوله: "ليه كده؟ إيه اللي حصل؟". لكن الحقيقة، أنا مش فاكرو أي حاجة، ولا قادر أجمع مشهد كامل في دماغي. كل اللي بفتكره مشاهد سريعة، لمحات من أحداث مش واضحة، كلها متقطعة ومش مترتبة ، بس كان الم رهيب ، وعذاب مابينتهيش .

طعم الدم كان دائماً كان في فمي، حاسس بيه باستمرار، ورائحة الموت والجثث مش بتفارقني، كنت شممها طول الوقت. الصوت اللي كان مخليني في حالة خوف هو صوت الغراب، كأنه بينده باسمي، كأنه مرسل من عالم تاني. كنت بشوف خيالات بتحوم حوالينا، تحت الأرض وفوق السما، خيالات بتراقب البشر من بعيد، وكأنها بتتجسس علينا.

كانت اسماء تكلمني ، هي تتكلم وانا بسمعها وفي عالم تاني كانت تقولي : " دور برد اية يا يوسف ، انا حاسه ان فيك حاجة متغيرة ، انا حاسه بيك ، انت مش كويس ، يارتني كنت معاك "

كنت في حالة غريبة، لا باكل ولا بشرب، وده خلى أمي ومريم يبدأوا يسألوا عليا كتير. كل مرة كانوا يسألوا، صابر كان بيرد بحجج سخيفة ومش مقتعة، لحد ما بدأوا يشكوا إن في حاجة غلط. الشك دخل قلوبهم، وكانوا حاسين إن الوضع مش طبيعي... وفعلاً، كان في حاجة غريبة بتحصل وأنا مش فاهمها.

صوت امي في التليفون: " الو ايوه يا يوسف ، طمني عليك يا حبيبي انت بخير؟! "

صوت مريم في التليفون: " يا بني آية اللي جراك ، بابا لو عرف هيجيلك ، طيب نجيلك ولا
نعمل اية طيب . "

كنت ارد عليهم مره وعشره لا ، اقول آية ولا حد هيفهم آية اللي بمر بيه ، يارب هون يارب ،
يارب انت الشافي .

تعبت جدا في اليوم الثاني و نوبات الصرع كانت بتيجي اقوي اقتل بدل ما تنقتل ، اقتل عشان
تشوف الدم و تشم رحته وترتاح ، هتفضل تعبان وانت بتقاوم ، استسلم ترتاح و تريح نفسك
، ماكنشي قدامي حل ثاني غير أي اطلب مساعدة ربنا ، يارب قويني و نجيني وانصرني .
حاولت استغل الموقف كل ما افوق ، لازم اعمل حاجه .

في ليل اليوم الثاني وقبل اليوم الثالث والاخير لازم انهي الموضوع ده وللابد ، هي اللعنه
ثلاث ايام ، أما اقتل أو انقتل .. لازم اغير حاجه في المعادلة دي .

من أول يوم طلبت من صابر إنه يعلق ساعات على الحيط في كل مكان، ويخليني ألبس في إيدي
ساعات كثير، وكمان يعلق في رقبتى ورقة وقلم. كنت بكتب الأوقات اللي بفوق فيها، وبحسب
الوقت اللي بغيب فيه عن الوعي. استمريت على الحال ده لحد ما قدرت أحدد بالضبط أنا بفوق
إمتى وبغيب عن الوعي إمتى. اكتشفت إن أكثر لحظات بغيب فيها عن الوعي بتكون من
منتصف الليل لحد الفجر.

سألت صابر وقلت له: "إيه هو أكثر وقت يكون فيه منهار وأكثر وقت يكون فيه في وعي؟" رد عليا وقال: "من الساعة 12 لحد الفجر، أنت في حالة صعبة، بتجيك تشنجات. ومن الفجر للعصر، بتفوق، لكن جسمك بيكون متكسر وبتحتاج نوم وراحة".

دخل علينا الشيخ حامد وقال لي: "أنسب وقت يا يوسف هو...". بصيت لصابر وهو بادلني النظرات بفضول: "ها، يا شيخ حامد، إيه الأنسب؟" همس وقال: "بكرة هيكون ثالث يوم هنصلي العشاء ونطول في القراءة والترتيل والذكر لحد نص الليل. اسمعني يا يوسف، لحد نص الليل".

"صابر قالها بحماس: "من العشاء لنص الليل!" أنا فكرت شوية وقلت: "الله المستعان".

الشيخ حامد رمى السلام علينا ومشى، وأنا وصابر فضلنا نتكلم. وبعد شوية، صابر بص لي "...وقال: "قبل نص الليل يا يوسف".

آه، قبل نص الليل لازم أكون كسرت اللعنة بالتضحية. أنا لازم أروح الجبل تاني ولوحدني، لازم ***أكسر اللعنة

في الحلم، لقيت نفسي بطير من بيت عمي لحد الجبل، مش عارف إذا ده كان حلم ولا حقيقة جوا الكهف كان فيه ترانيم غريبة، وكان فيه ناس كتير واقفين في دايرة كبيرة حوالين نار لونها مش طبيعي. كانوا بيقلوا كلام مش فاهمه، ولبسهم كان كله أسود في أسود. كان معاهم راجل باين عليه إنه قائدهم، كان واقف بظهره ليا. فجأة سمعت حد منهم بيقول: "الآن يا شلتوت".

استغربت جداً! هو أنا سمعت الاسم ده فين قبل كده؟ اتحرك شلتوت وكان شايل طفل صغير بيصرخ، وفي إيده الثانية كان بيجر جدي. واحد منهم كان ماسك خنجر وبيقراً عليه تعويذة سحرية، واتنين منهم جابوا طرابيزة صغيرة شبه الطبلية. قرب شلتوت وحط الطفل عكس الجدي، وخذ الخنجر وبدأ يهز بيه وهو بيقراً، وكان بيشاور بإيده ناحية الطفل والنار.

أتباعه ابتدوا يتحركوا كأنهم بيركعوا ويقوموا، والصوت كان بيعلى كأنهم بيستدعوا كيان غامض. عنين شلتوت اتحولت للون الأسود بالكامل، وبدأ يقرب من الطفل والجدي. أنا في اللحظة دي غمضت عيني من الخوف. فجأة، الأصوات سكتت، وسمعت صوت شهيق وزفير غريب. عرفت إنه نفذ اللي كان ناوي يعمله، بس مش قادر أفتح عيني وأشوف. درجة الحرارة ارتفعت، والرجال سجدوا، وشلتوت كان إيده كلها دم

افتكرت في اللحظة دي إن شلتوت ده هو الدجال اللي عمل لعنة الغراب. خرج من وسط النار راجل أنيق جداً، عينه كانت حمرا وشعره أسود، وكان لابس بدلة سودة رسمية. شلتوت قال "إله: "بيور؟! سيدي بيور الأعظم؟"

الكيان اللي اسمه بيور ابتسم ابتسامة خفيفة وهو بيرفع راسه، بياخذ نفس عميق ويمسح على صدره، وكان لابس خواتم غريبة عمري ما شفت زيها قبل كده

،حسيت روعي بتنسحب، وبلاقي نفسي في مكان تاني. كنت واقف فوق شلال وقت الظهر. والشمس كانت حامية ومش قادر أفتح عيني. قدامي كان في كيان بيقول: "مرحبا بك، يوسف". أنا طكيل، ملك ملوك الجان

الكلام كان رايح من بالي، مش فاهم إيه اللي بيحصل. هو في إيه؟ إزاي أنا بشوف كل ده؟ أنا لا عارف إذا كنت صاحي ولا بحلم، بس حاسس بكل حاجة، بشم وبحس، بس مش قادر أحدد

طكيل كمل كلامه وقال: "شلتوت باع روحه للشيطان، وانت شفت ده. هو ألقى تعويذة سحرية واختلطت بدماء المصريين والفرنسيين، وانت اتأثرت باللعنة دي. لكن إن شاء الله شفاك". قريب، وأنا معك طالما أنت حي، بعيد عن بيور وأندروماليوس ولييث

وفجأة، بدون مقدمات، صحيت وأنا في حالة ذهول. كنت عطشان جداً، زي اللي مافيش نقطة مية شربتها من سنين. بصيت على الساعة، كانت ٨ مساءً، وكنت عارف إنني لازم أتحرك ... وأروح قبل ما الوقت يخلص مني

أعلي الجبل، وسط هدوء الليل المريب وصوت عواء الذئاب المتناغم مع الرياح القوية، كنت أكافح تلك الرياح وأنا شايل خروف على كتفي، أحاول الوصول إلى الكهف. صوت الشيخ حامد كان جاي من بعيد، صوته مختلط بين الأذان والدعاء، وكأنه يحاول يطرد الشر عن الأرض.

الرياح كانت بتصفّر حولي بصوت مرعب، ومع كل خطوة كانت بتصعب عليّ أكثر، بس أخيراً وصلت عند مدخل الكهف. نزلت الخروف من على كتفي وأنا التقط أنفاسي، جسمي كان بيرتعش من البرد والتعب، وعيوني حمراء من الإرهاق.

دخلت الكهف بحذر، صوت همس غريب كان جاي من جوه، وكان في نار في آخر الممر بتضيء المكان بشكل مخيف. أول ما دخلت الكهف، اختفى صوت الشيخ حامد، وبقيت لوحدي قدام المجهول. قدام النار، كان في حد لابس أسود من رأسه لرجله، وشكله بيهمس بكلمات مش مفهومة. في البداية افكرته جني، لكن بعد ما قربت اكتشفت إنه إنسان. ده كان
عليه!

عليوه كان واقف بيقراً تعويذة بطريقة غريبة، فغضب عني نطقت وقلت: "عليوه! بتعمل إيه هنا؟!"

التفت عليّ بابتسامة غريبة، وقال: "يوسف، كنت في انتظارك."

اتحركت نحوه وانا بسحب الخروف وقلت له: "بتعمل إيه هنا؟!"

عليوه قرب مني وبص على الخروف بعينين سوده، وقال بابتسامة مريبة: "أنا هنا لأن ده مكاني الطبيعي. أنا حفيد الشيخ شلتوت."

اندهشت وقلت: "شيخ؟! الدجالين بقوا شيوخ؟!"

وأنا مش منتبه، خرجت تليفوني واتصلت بصابر عشان يسمع ويلحقتني. عليوه لاحظ سكوتي وقال: "مالك يا يوسف ساكت ليه؟!"

رديت عليه بحذر: "مافيش، بسمعك ومستغربك."

ضحك عليوه ضحكة شريرة بصوت عالي وهو بيرجع خطوات وبيقول: "ده شغل، والشغل ما فيه زعل. الليلة دي الليلة الثالثة ليك... ها تحب تكون واحد من خدام سيدي الأعظم؟ ولا نضحى بيك؟!"

حسيت بالخوف والتوتر، لكن قررت أمسك أعصابي. نزلت بإيدي على الأرض، مسكت حبل الخروف، وسبت التليفون جنب صخرة، وبعدين اتعدلت وقلت له: "اتفضل ضحي بالخروف ده، وخلي سيدك وخدامه يعتقوني."

ضحك عليه بسخرية، لكنه فجأة صرخ بغضب وقال: "إنت عبيط ولا إيه؟!!"

الدم غلي في عروقي، والأدرينالين جري في جسمي. ما حسنتش بنفسي إلا وأنا بنط عليه، وقلبته على الأرض، وبدأت أخبط رأسه في الأرض بشدة، وأشتمه بأقذر الشتائم. فجأة، صابر ظهر، مسكني ورفعني من فوق عليه اللي كان بينزف بشدة، ودمه كان بيتجه نحو النار.

قام عليه وهو بيترنح وينزف، وقال بصوت متقطع: "كلكم هتموتوا."

صابر بص له باشمنزاز، والشيخ حامد قال: "لعنة الله عليك."

من غير ما أحس، ضربت عليه برجلي ووقع في النار، اللي اشتعلت أكثر بمجرد ما دخل فيها. فضل يصرخ بشكل مرعب، وأنا كنت شايف بأم عيني إيدين غير بشرية بتشد عليه جوه النار، وهو يبص لي بعينين مليانة رعب.

جسمي اتشنج فجأة، وصابر حاول يمسكني، والشيخ حامد كان بيقرأ القرآن وهو حاطط إيداه على راسي، لحد ما وقعت على الأرض. دخان أبيض خرج من فمي، وبعدها فووقت شوية. مشينا بعدها على بيت صابر، أنا والشيخ حامد، وأحداث الليلة دي محفورة في ذاكرتي، مش هقدر أنساها طول حياتي

في صباح يوم جديد، صحيت وأنا حاسس بنشاط وحيوية غريبة، بصيت في المرايا ولاقيت بشرتي رجعت طبيعية تاني، وعيني بقت صافية زي الأول، وإيدي مبقتش بتترعش زي قبل كده. ضحكت وأنا ببص للساعات اللي فاتت والورق اللي كان على المكتب، وعرفت ساعتها إن الحمد لله... خفيت تمامًا.

فجأة، دخل عليا صابر وهو مبتسم، حضني وقال لي: "حمد الله على سلامتكم يا يوسف."

رديت عليه بابتسامة وقلت له: "هو موبايلي فين؟!!"

بص لي باستغراب وقال: "مش عارف! هو مش معاك؟!!"

طلع صابر موبايله من جيبه، وصله وبص لي بتعجب وقال: "الاتصال بتاعك لسه شغال معايا."

خدت الموبايل منه بسرعة وحطيته على وداني، وسمعت صوت غريب بيقول: "كده يوسف فداه نفسه بعليوه والخروف ده."

الصوت قطع فجأة، وأنا بصيت لصابر وقلت له بهدوء: "أنا محتاج موبايل جديد."

بص لي صابر وقال: "نرجع نجيبه؟!"

رديت عليه بنظرة فيها معنى، وقلت له: "محتاج موبايل جديد وواحد يحجز لي تذكرة للإسكندرية."

في الليل، كنت واقف في محطة القطر وصابر معايا بيودعني. ركبت القطر، وبعد ما ودعته، دورت على الكرسي بتاعي في العربية وأنا بكلم في التليفون مع مريم، أمي، وأسماء. مريم كانت بتقولني: "ترجع بالسلامة يا حبيبي، خلي بالك على نفسك."

أمي قالت لي: "البس ثقيل عشان صدرك، وتكيف القطر."

أما أسماء فقالت لي: "اعمل حسابك المرة الجاية هكون معاك."

ضحكت وقلت لهم: "طيب طيب، أوصل الكرسي وأقعد، وأكلمكم بعدين."

لقيت الكرسي بتاعي، وأول ما قعدت، بصيت جنبي لقيت بنت زي القمر قاعدة. شعرها أحمر طويل، وعنيها زرقاء، وعلي وشها نمش خفيف. أول ما شافتنني، ابتسمت وسعت لي عشان أقعد. استغربت وقلت لها: "إسكندرية؟"

ابتسمت وقالت لي: "فعلاً، أنت مصري؟ كنت فاكرة إنك أجنبي."

ضحكت برقة وقلت لها: "وأنا كنت فاكراً إنك أجنبية! أنا يوسف."

ردت بابتسامة دافية وقالت: "وأنا لي."

سألتها بابتسامة: "لي؟ اختصار لإيه؟"

بصت لي نظرة غريبة فيها غموض وقالت وهي لسه مبتسمة: "ليليث."

قعدنا نتكلم بالساعات، وأنا كنت ناسي الدنيا كلها وأنا معاها. ماكنتش عارف إن اللي قاعد جنبي دي مش مجرد بنت عادية، دي واحدة من الشياطين الثلاثة... بيور، اندروماليوس، وليليث.

الجو بقى مليان بالغموض، والأسئلة كتيرة في دماغي، بس اللي كنت متأكد منه إن اللي جاي مش هيكون سهل.

قصاد الكهف، كان الشيخ حامد واقف مع صابر ورجال القرية على قمة الجبل، ومعاهم صناديق الدنميت. الشيخ حامد بص للناس اللي حواليه وقال بصوت عالي: "يا أهل البلد، المكان ده ملعون... لازم نفجره ونتخلص منه."

الرجالة بدأوا يحطوا الدنميت حوالين الكهف، وبعد شوية سمعوا صوت التفجير العالي والمكان كله اهتز. الصخور تقلبت والدخان طلع من الكهف، وكل واحد من الرجالة نزل بسرعة من الجبل وركبوا عربيات النص نقل.

صابر بص للشيخ حامد بعد ما ركب وقال له: "خلاص كده، كل حاجة انتهت؟"

الشيخ حامد رد بثقة: "آه الحمد لله، خلصنا من اللعنة دي للأبد."

العربيات اتحركت بعيد عن المكان، وكل واحد فيهم حاسس إنه ارتاح أخيراً. لكن جوه الكهف، اللي كانوا فاكريته ادمر، كانت المكان بترجع تتكون من تاني. الجماجم اللي اتحطمت بدأت تتشكل من الرماد والصخور اللي وقعوا وقللوا مدخل الكهف، رجعوا تاني كما كان مفتوح تاني. الغراب الأسود رجع وقف فوق الجمجمة، وأطلق صوته المزعج المعتاد، وكان اللعنة لسه ما انتهت.

الجو كان مليان غموض وخطر، وكان الشر اللي في المكان لسه مستني فرصته يرجع أقوى من الأول.

تمت ،،

خاتمة

"بعد ما يوسف خلّص آخر عملية تشريح ليه، و هو بيسجل مذكراته علي الموبيل وتاريخه مع خفايا العالم الاخر، وقف في المشرحة لوحده، والدنيا حواليه ساكتة تماماً. حسّ إن كل حاجة في حياته اتغيرت بعد اللي شافه. خفايا العالم الآخر كانت لسه بتدوي في دماغه، والأرواح اللي مرت عليه مش بس كانت أجسام ميّنة، كان ورا كل واحدة منهم حكاية، سرّ... وكانهم بيندهوا عليه من عالم تاني.

ابتسم ابتسامة صغيرة، ابتسامة واحد عرف إن اللي جوة المشرحة مش بس أجساد، لأ... دي
بوابة لعالم مليون أسرار. بص حوالين المشرحة وقال في نفسه: 'يمكن تكون نهايتي هنا، لكن
اللي شفته... مستحيل ينتهي معايا!'

وقف قدام باب المشرحة، أخذ نفس عميق، وقبل ما يطلع، همس بصوت واطي: 'الحكاية دي
لسه ما خلصتتش... لسه في حاجات كتير مستنياني برة.'

وطلع، وهو عارف إن الدنيا برة المشرحة مش زي ما كان فاكِر، وإنه مهما حاول يهرب،
أسرار العالم الآخر دائماً هتفضل وراه."